

1. Lauda Sion salvatorem,  
Lauda ducem et pastorem  
In hymnis et canticis: [de,  
Quantum potes, tantum au-  
Quia major omni laude,  
Nec laudare sufficis.

2. Laudis thema specialis,  
Panis vivus et vitalis  
Hodie proponitur,  
Quem in sacræ mensa cœnæ  
Turbæ fratrum duodenæ  
Datum non ambigitur.

3. Sit laus plena, sit sonora,  
Sit jucunda, sit decora,  
Mentis jubilatio:  
Dies enim sollempnis agitur  
In qua mensæ prima recolitur  
Hujus institutio. [tur

4. In hac mensa novi regis  
Novum pascha novæ legis  
Phase vetus terminat.  
Vetustatem novitas,  
Umbram fugat veritas,  
Noctem lux eliminat.

5. Quod in cœna Christus ges-  
Faciendum hoc expressit [sit  
In sui memoriam.  
Docti sacris institutis,  
Panem, vinum in salutis  
Consecramus hostiam.

6. Dogma datur Christianis,  
Quod in carnem transit panis  
Et vinum in sanguinem.  
Quod non capis, quod non vi-  
Animosa firmat fides [des,  
Præter rerum ordinem.

7. Sub diversis speciebus,  
Signis tantum et non rebus,  
Latent res eximiæ.

Caro cibus, sanguis potus:  
Manet tamen Christus totus  
Sub utraque specie.

8. A sumente non concisus,  
Non confractus, non divisus,  
Integer accipitur.

Sumit unus, sumunt mille,  
Quantum isti, tantum ille,  
Nec sumptus consumitur.

9. Sumunt boni, sumunt mali,  
Sorte tamen inæquali  
Vitæ vel interitus.

Mors est malis, vita bonis:  
Vide, paris sumptionis  
Quam sit dispar exitus.

10. Fracto demum sacramen-  
Ne vacilles, sed memento [to  
Tantum esse sub fragmento  
Quantum toto tegitur:

Nulla rei fit scissura,  
Signi tantum fit fractura  
Qua nec status nec statura  
Signati minuitur.

11. Ecce panis angelorum,  
Factus cibus viatorum,  
Vere panis filiorum,  
Non mittendus canibus.

In figuris præsignatur,  
Quum Isaac immolatur,  
Agnus Paschæ deputatur,  
Datur manna patribus.

12. Bone pastor, panis vere,  
Jesu, nostri miserere.

Tu nos pasce, nos tñere,  
Tu nos bona fac videre  
In terra viventium.

Tu qui cuncta scis et vales,  
Qui nos pascis hic mortales;  
Tuos ibi commensales,  
Cohæredes et sodales  
Fac sanctorum civium.